

Mensahe 5

Ang Tiunayng Hinungdan sa Mga Hangin sa Pagtulon-an alang sa Daotang Tuyo Niini

Basahong Kasulatan: Efe. 4:13-15; Buh. 2:42; 1 Tim. 1:3-4; Tito 1:9; 1 Cor. 1:2; 4:17; 12:1-13, 27

- I. Ang pagtulon-an sa mga apostol mao ang bugtong-talagsaon ug himsog nga pagtulon-an sa walay kataposang pamatigayon sa Dios—Buh. 2:42; 1 Tim. 1:3-4, 6:3; Tito 1:9; 2:1:**
- A. Ang pagtulon-an sa mga apostol mao ang tibuok pagtulon-an sa Bag-ong Tugon nga pagpamulong sa Dios diha sa Anak ngadto sa katawhan Niya sa Bag-ong Tugon—Heb. 1:1-2.
 - B. Ang pagtulon-an sa mga apostol mao ang bugtong-talagsaon, diosnong pinadayag sa pamatigayon sa Dios sa Bag-ong Tugon sugod sa pagpakatawo sa Dios ngadto sa pagkahingpit sa Bag-ong Jerusalem—Juan 1:14; Bug. 21:2.
 - C. Ang pagtulon-an sa mga apostol maoy nag-amping sa pagkahiusa, nga nakapausa natog kasingkasing, paagi, ug tumong—Buh. 1:14; 2:42, 46; Jer. 32:39.
 - D. Kita gyod unta kadtong “nagkupot sa kasaligang pulong, nga sumala sa pagtulon-an sa mga apostol”—Tito 1:9:
 - 1. Naestablisar ang mga iglesia sumala sa pagtulon-an sa mga apostol ug nagsunod kini sa ilang pagtulon-an, ug namintinar ang kahusay sa kaiglesiahan tungod sa kasaligang pulong, nga gihatag sumala sa pagtulon-an sa mga apostol.
 - 2. Mamulong gyod ta sa mga butang nga nahiangay sa himsog nga pagtulon-an sa mga apostol, sa pagtulon-an sa pamatigayon sa Dios—2:1, 7-8; 1 Tim. 1:4.
 - E. Wala itugot sa mga apostol ang bisan unsang pagtulon-an nga lahi sa pagtulon-an sa mga apostol; gidili ang pagpanudlog “laing mga butang”—Buh. 2:42; 1 Tim. 1:3-4:
 - 1. Nagpasabot ang lahi nga mga pagtulon-an sa mga pagtulon-an dili subay sa pamatigayon sa Dios—6:3.
 - 2. Ang kasamok diha sa iglesia labi mang tungod sa pagtipas nila sa pagtulon-an sa mga apostol—Buh. 2:42:
 - a. Aron masanta kini, kuptan gyod nato ang kasaligang pulong nga gitudlo diha sa kaiglesiahan sumala sa pagtulon-an sa mga apostol—Tito 1:9.
 - b. Diha sa ngitngit ug nagkagubot nga sitwasyon, manghawid gyod ta sa makahayag ug makahusay nga pulong sa Bag-ong Tugon—sa pagtulon-an sa mga apostol—Buh. 2:42
 - 3. Likayan gyod nato ang lahing mga pagtulon-an ug itingob ang atong pagtagad sa pamatigayon sa Dios kalabot ni Cristo ug sa iglesia—1:3-4; Efe. 3:9; 5:32.
 - F. Nanudlo si apostol Pablo sa mao rang butang sa tanang kaiglesiahan; manudlo sab ta sa mao rang butang sa tanang kaiglesiahan sa tanang nasod sa tibuok yuta—1 Cor. 4:17; 7:17; itandi sa Col. 4:16.
 - G. Ang mahinungdanong punto sa himsog nga pagtulon-an sa pagpangalagad sa mga apostol kalabot man sa Tulo-usang Dios nga nahikay aron ikapaambit ang Iyang Kaugalingon nga Espiritung taghatag-og-kinabuhi sa Iyang mga pinili aron organico silang mausa ug makadawat sa diosnong pagpalatay ug sa ingon niana mahimong mga anak sa Dios ug mga bahin ni Cristo; resulta niini, mahimo silang Lawas ni Cristo nga magpadayag ni Cristo, nga maoy gipuy-an sa kahupnganan sa Dios—1 Cor. 15:45; 6:17; 12:12-13, 27.

H. Tanang pagtulon-an nga lahi sa bugtong-talagsaong pinadayag sa pamatigayon sa Dios sa Bag-ong Tugon giisip sa mga apostol nga mga hangin sa pagtulon-an—Efe. 4:14.

II. Isip mga bahin sa Lawas, dili na gyod unta ta “gagmayng bata nga kusokusohon sa mga balod ug ipalid sa tanang hangin sa pagtulon-an sa lipatlipat sa mga tawo, diha sa kaigmat sa tuyo nga magsistema sa kasaypanan”—v. 14:

- A. Nagpasabot ang *gagmayng bata* sa mga magtutuong bata pa diha ni Cristo, dili pa hamtong sa kinabuhi—1 Cor. 3:1; Efe. 4:13, 15.
- B. Gikutaw ang mga balod sa mga hangin sa laing pagtulon-an mga doktrina, mga pangagpas, ug mga opinyon nga gipadala ni Satanas aron tintalon ang mga magtutuo para mapalid sila palayo ni Cristo ug sa iglesia—1 Tim. 1:3-4; Efe. 4:14:
 - 1. Lisod makaila niini ang mga puya pa diha ni Cristo; ang bugtong paagi nga makalingkawas sa mga balod nga gikutaw sa mga hangin sa pagtulon-an mao ang pagtubo sa kinabuhi, ug ang paagi nga makatubo sa kinabuhi mao ang pagpabilin sa hustong iglesiahonong kinabuhi nga si Cristo ug ang iglesia maoy panalipod—vv. 13-15.
 - 2. Bisag unsang pagtulon-an, bisan subay pa sa Kasulatan, nga makapalinga sa mga magtutuo gikan ni Cristo ug sa iglesia hangin man nga makapalid nila gikan sa walay kataposang tuyo sa Dios—v. 14.
- C. Kinahanglan makita nato ang tiunayng hinungdan sa mga hangin sa pagtulon-an—v. 14.
 - 1. Natagong hinungdan ang tiunayng hinungdan, dili kini dayag.
 - 2. Aron makakita ning tiunayng hinungdan, nagkinahanglan tag husto ug hait nga pagsabot nga makasabot pag-ayo sa tibuok sitwasyon.
 - 3. Lahi kining mga pagtulon-ana sa pagtulon-an sa Bag-ong Tugon kalabot sa pamatigayon sa Dios nga magtukod sa Lawas ni Cristo—1 Tim. 1:3-4; 6:3.
 - a. Morag maayo ang tanang hangin sa pagtulon-an; apan sulod niini, sa tiunay, naay lahi sa pagtulon-an sa mga apostol ug dili maayo.
 - b. Mopukan sa pagtuo sa mga magtutuo ug moguba sa iglesiahonong kinabuhi ang mga hangin sa pagtulon-an—2 Tim. 2:18.
- D. Ang mga pagtulon-an nga nahimong mga hangin, nga nipalid sa mga magtutuo palayo sa sentrong linya ni Cristo ug sa iglesia, mga panlimbong man nga hinulhogan ni Satanas sa pagkamalalangon niya, uban sa lipatlipat sa mga tawo, aron maulang ang walay kataposang pamatigayon sa Dios, nga mao ang pagtukod sa Lawas ni Cristo—Efe. 1:10; 3:9-11; 4:14, 16:
 - 1. Giorganisar ug gisistema ni Satanas ang mga pagtulon-an ang makapabahin aron makamugnag grabeng sayop ug sa ingon niana makadaot sa praktikal nga pagkausa sa kinabuhi sa Lawas—v. 3.
 - 2. Iya sa mga tawo ang lipatlipat, apan iya ni Satanas ang sistema sa kasaypanan ug may kalabotan sa malimbongong mga pagtulon-an nga gilaraw sa daotan aron mapasimang ang mga balaan gikan ni Cristo ug sa iglesiahonong kinabuhi—v. 14; 5:32.
- E. Ang tuyo sa mga hangin sa pagtulon-an—ang daotang tuyo sa kaaway nga si Satanas—pag-ulang man sa pagtukod sa organicong Lawas ni Cristo ug pagbahinbahin sa mga bahin sa organicong Lawas ni Cristo, nga magmugnag walay kataposang pagkabahinbahin imbis mag-amping sa pagkausa sa Lawas ni Cristo diha sa gugma ug kalulot—1 Cor. 1:10-11; Jud. 19.

- F. Niyuhot nag sulod sa pahiuili sa Ginoo ang sayop nga pagtulon-an kalabot sa bug-os nga pagkinaugalingon sa iglesia lokal:
1. Ang pagpanudlo nga bug-os gyong makinaugalingon ang mga iglesia lokal pagbahin man sa Lawas ni Cristo—Rom. 12:5; 16:27.
 2. Ang pagtulon-an kalabot sa pagkinaugalingon nakadaot, nakapasaag, ug nakalimbong sa mga Cristohanon ug nakamugnag daghang pagbahinbahin—Jud. 19.
 3. Ang iglesia mao ang Lawas ni Cristo, ug ingon nga Lawas Niya, walay bahin sa iglesia nga mahimong magkinaugalingon—1 Cor. 1:2, 12; 12-13.
 4. Alang sa pagpadayag sa Lawas ni Cristo ang mga iglesia lokal; pagpadayag kini sa Lawas ni Cristo sa lainlaing lokalidad—1:2; 12:27.
 5. Unahon gyod nato pagtagad ang Lawas ug ikaduha ang mga iglesia lokal—Efe. 2:21-22.
 6. Kon nakaila ta sa Lawas ug dunay pagbati sa Lawas, makaamgo ta nga walay kalabotan sa pagkinaugalingon ang iglesia nga organicong Lawas ni Cristo.